

**Zeitschrift:** Nebelspalter : das Humor- und Satire-Magazin

**Band:** 88 (1962)

**Heft:** 31

**Illustration:** "Kreislauf, sagt der Doktor, Motor drosseln, Beine einschalten, und wieder zu Fuss laufen!"

**Autor:** [s.n.]

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 17.03.2025

**ETH-Bibliothek Zürich, E-Periodica, <https://www.e-periodica.ch>**

## Lieb Vatterland!

Mir Basler hänn jo – me waiß das z'Basel – mängmool e bitzeli der Ydruck, me vergäß ebbe z'Bärn, daß mir au no zer Schwyz gheere. Weniger wemmer zahle sotteneas wenn sich's drum handelt, daß mer ebbis uus em Huushaltigsgäldseckel vo der Mamme Helvetia biko sottene. – Aber am erschte-n-Augschte, do gspyrnt au der letscht Basler naimedure, daß er zer Schwyz gheert. Wenn die heecheri Idee vo der Aidsgnosneschaft zer hälle Flamme-n-aagfacht, wie-n-e Heechefyr, zem Nachthimmel uffeschloht, derno sinn alli In-trässe-n-und Gidanke-n-ans wirtschaftlig Verbundesey mit Bärn aifach vergässe.



Nimme Bärn isch derno d'Aidsgnosneschaft, nai, 's ganz Land, die Palme by Lugano und das Hittli uff em Oofepaß, die Wybuuren-im Wältschland, wo mit Drummele-n-und Pfyffe-n-in Räbbärg ziehn, unser Minschter und die himmelhooche Danne-n-in de Freybärg, das haimelig Pfaarhuus uff der Landschaft und die Burge-n-im Schaffhuuserland dusse, 's Grimselwärk und 's Wätterhorn – das alles zämme-n-isch derno d'Schwyz fir is.

Und wemme-n-e Schwyzer froggt, derno hänn alli e-n-Erinnerig an en erschte-n-Augschte, wo-n-ene bsunders blibe-n-isch.

Ain het mer uus syner Buebezyt verzelt, wo-n-er mit em Vatter und mit em eltschte Brueder zämme der erscht Augschte-n-im Durnverain het derfe mitfyre.

Uff der Bihni hänn si das bikannt Gedicht vom Andreas Hofer – «Zu Mantua in Banden» – dramatisch uffgfiehr mit lääbige Bilder. Me het sälbetsmool gfunde, fir der erscht Augschte syg das Lied vo däm Freyhaitsheld uus eme-n-andere Land bsunders g'aignet. Mit ere Bischootoole-n-isch ain hinder em Hindergrund barad gstande. Und wo derno die scheeni Stell kunnt «Gebt Feuer! Oh, wie schießt ihr schlecht!», do hätt er solle loos-

pfäffere. Aber er isch eso bigaischteret gsi, daß er numme no gloost het.

Der «Andreas Hofer» het scho lang kummediert gha «Gebt Feuer!»; er isch umgsunke-n-und doogläge. In der Kulyse hänn si scho zischler, und Ygweyhti im Publikum händ afoh gigele. Do isch's em äntlig in Sinn ko, was er aagstellt gha het und er het gschwind no gschosse. Und do isch's Glächter im Saal wie-n-e Sturm *erscht* eso rächt loosgange.

Speeter hänn derno Durner mit wyße Gsichter, ganz in Wyß, Pyramide gmacht, wo si wuchelang vorhär brobiert und glehrt gha hänn.

«Mählsieche» het me si ghaisße, die gwyßgede Durner!

Zwai Buebe – ain dervo verzelt mer das – sinn näben-usse-n-in der «Gaß» (Dekoration: «Wald-!») gstande-n-und hänn miese bengalische Zindhelzli aazinde-n-und schwinge, wenn wider e Pyramide doobe gsi isch.


By der Apotheose, bym brächtige Schlußbild aber sinn si in der Bigaischterig und im Wunderfitz notinoh vyl z'wyt fireko. Ain het mit sym fyrroote, bengalische Zindhelzli, wo-n-er hätt schwinge solle, em ußerschte Durner under's Hinderzunde. Dä isch gumpt, und die ganzi, scheeni Schlußpyramide-n-isch zämmekeyt, und alles isch iberenanderpflymlet.

Eso gschwind syg er in sym Läbe nie meh von ere-n-erschte-n-Augschte-fyr haimzäpft ... Fridolin


### Munot-Musik

Ein Redaktor der «Schaffhauser Nachrichten» kritisierte in seiner Zeitung die Unsitte, daß echt vaterländische Vereine für ihre gesellschaftlichen Veranstaltungen ausländische «Gongferangsieh» und Tanzorchester engagieren und daß damit ausgezeichnete Musikkapellen der Stadt Schaffhausen umgangen würden. Recht hat er, der Redaktor. Recht haben auch die sieben (7) Schaffhauser Musikkapellen, welche sich daraufhin in einem großen Inserat als versierte Tanzensembles im Verband der Schaffhauser Musiker-Vereinigung den Schaffhausern in empfehlende Erinnerung bringen. Es sind dies: SUT-Orchester (14 Mann), Teddys (5 Mann), Astoria-Quintett, Rivas (5 Mann), Carmen (3-6 Mann), Marmo (5 Mann), Zambesi (4 Mann), Odeon (3-4 Mann); alles echt böllenländische, schaffhauserbocksische Firmenbezeichnungen! Warum nicht: Munot-Kapelle, Bock-Orchester, Randen-Echo, Rheinförellen-Quintett, Böllen-Trio usw.?

FM




«Denken Sie auch so gerne an die traumhaft schönen, ruhigen Samstag-Vormittage im Büro zurück, Herr Kollege?»



«Kreislauf, sagt der Doktor, Motor drosseln, Beine einschalten, und wieder zu Fuß laufen!»

### Jetzt ist es

Seenachtsfestzeit, und die Raketen knallen nur so in die Höhe! Solange es nur friedlich knallt, wollen wir uns an den Sternen und Funken, die da so freigebig in den Himmel geschickt werden, freuen. Haben wir von Knall und Fall genug, ziehen wir uns in unsere lärmabgedichteten Räume zurück, wo prachttvolle weiche Orientteppiche von Vidal an der Bahnhofstraße 31 in Zürich für ruhige Schönheit sorgen.



Bezugsquellennachweis: E. Schlatter, Neuchâtel



für den gepflegten Herrn